



Канон Божественному и поклоняемому Пресвятому Духу Параклиту

Творение преподобного [Максима Грека](#)

Песнь 1

Ирмос: *Божественным покровѣн/ медленноязычный мрѣком,/ извитійствова
Боготісанний закон:/ тїну бо оттряс очесѣ умнаго,/ вїдит Суцаго/ и научается Духа
рѣзуму,/ хвалѣ Божественными пѣсньми.*

Припев: *Слава Тебѣ, Божже наш, слава Тебѣ.*

Иже мѣнною препитавый Израїля в пустыни дрѣвле, / и дѹшу мою, Владыко, Дѹха
наполни Всесвятаго,/ яко да о Нем богоугодно служу Ти вѣну.

Слава Тебѣ, Божже наш, слава Тебѣ.

Со Безплѣтными Твоими слугами, смѣя, припеваю Ти и аз,/ земля сый и пѣпел,/ трисвятаго
гласа пѣние,/ Трѣице таяжде и Единице Преплагаѣя.

Слава Тебѣ, Божже наш, слава Тебѣ.

Всегда бурями губительных страстей и духѡв возмущаемъ душѣю, / Тебѣ, Всеблаженному
Параклиту,/ яже о моемъ спасеніи яко Богу возлагаю.

Слава Тебѣ, Божже наш, слава Тебѣ.

Нестро́ением всяческих беззаконных помыслов омрача́емь лю́те,/ губительного сего́, молю́
Тя, изба́вити мя изво́ли недуга.

Сла́ва Тебе́, Бо́же наш, сла́ва Тебе́.

Глубино́ю неразу́мья и лю́таго нераде́ния дрема́нием потопля́емь бе́дне,/ к Тебе́,
Всепречи́стому, вопию́:/ душе́вныя сея́ тли изба́ви мя.

Слава: Во чре́ве заче́нши де́вственнем,/ Егóже из чре́ва прэ́жде век Оте́ц роди́,/ чре́вными
сладостра́стии порабоще́нна,/ Твое́ю кре́пкою свободи́ мя си́лою.

И ныне: Земля́ Ты еди́на свята́ войсти́ну,/ я́ко ро́ждшая всех Божество́нный Живот; / зе́млю
плодоно́сну ду́шу мою́ Твоему́ Сы́ну покажи́, Богороди́це.

Песнь 3

Ирмос: Разве́рзе утробы́ неча́дствовавшия́ узы,/ доса́ду же неудоботе́рпиму
благоча́дствующия,/ еди́на моли́тва проро́чицы дре́вле А́нны,/ нося́щая дух сокруше́н,/ к
Си́льному и Бо́гу ра́зумов.

Сла́ва Тебе́, Бо́же наш, сла́ва Тебе́.

Бла́гости Твоея́, Свята́я Трои́це, познание́ ве́лие есть,/ обновле́ние создáннаго по Твоему́
Божество́нному о́бразу,/ Егóже, воплоще́нием предивным из Тебе́ па́че сло́ва,/ Себе́
жили́ще Божество́нное показа́ла еси́.

Сла́ва Тебе́, Бо́же наш, сла́ва Тебе́.

Дарова́нии Твои́ми святы́ми и помы́слы священноле́пнаго благоговей́нства, Влады́ко,/ ум
мой украси́,/ я́ко да в ти́шинé души́ и святоле́пном устро́ении/ пою́ и прославля́ю Тя,
Божество́нный Паракли́те.

Сла́ва Тебе́, Бо́же наш, сла́ва Тебе́.

Та́йная плотска́я движе́ния,/ от го́рдостныя стра́сти во мне ражда́емая/ и прескве́рне
оскверня́ющая окаянну́ю ду́шу мою́,/ отню́д истреби́ от ся, Влады́ко, молю́тися.

Сла́ва Тебе́, Бо́же наш, сла́ва Тебе́.

Брозда́ми и уздо́ю Божество́ннаго стра́ха, Влады́ко,/ безсту́дныя души́ моея́ встягни́
устремле́ния,/ я́ко да зельным благоговей́нством и трезвенно́ю мы́слию/ пою́ Тя и сла́влю,
Божество́нный Уте́шителю.

Сла́ва Тебе́, Бо́же наш, сла́ва Тебе́.

Мно́гими блуже́нии растли́вся конече́не,/ к Тебе́, Пресветле́йшему Со́лнцу, ве́рою
притека́ю:/ Божество́нным твои́м све́том душе́вныя ми о́чи просвети́ти изво́ли,/
Божество́нный Паракли́те.

Слава: Живота́ всех а́ки Пита́тельница, Влады́чице,/ умерщвле́нную мою́ ду́шу скве́рными
страстьми́ оживотвори́ти, Чи́стая,/ Божество́нным Твои́м посеще́нием изво́ли.

И ныне: Животворных повелений Твоего Сына, Пречистая, прилежна и спешна делателя покажи мя, лютое разление и глубокое дремание от души моея отнюд истребивши.

Таже глаголи стихи сия:

Спаси от бед раба Твоего, Утешителю Благий, яко зело и безпрестанно нападают на мя нечисти бэсове/ помыслы и мечтания скверными.

Призри Благоутробием, Всепетая Богородице, на жестокое сердца моего окаменение/ и просвети тьму души моея.

Кондак, глас 2

Всех Живота, Источника пренотекущаго Божественных даров, Духа Всесвятаго, яко Отцу Единосущна/ и Сыну Соприсносущна, в песнях благоверно воспойм и величаим/ и яко Богу верою поклонимся.

Покланяюся Тебе, Владыко Утешителю Бже:/ помилуй и спаси покланяющиеся Тебе/ и Бога исповедающия Тя.

Песнь 4

Ирмос: Царю царей, Яковий Яковаго, Един, Слове, произшедый/ от Отца Безвиновнаго, Равномощнаго Твоего Духа/ апостолом истинно послал еси/ яко Благодетеля, поющим:/ слава державе Твоей, Господи.

Слава Тебе, Бже наш, слава Тебе.

Услышати сподоби мя, Господи, тогда многожелаемое звание Твое, в невестник Небесный созывающее всех преподобных Твоих.

Слава Тебе, Бже наш, слава Тебе.

Осуждена человека злоначальника прельщением/ взыскала и спасла еси, Троице Святая, и прославила еси его;/ и мое, изнемогшее печалию сердце свыше крепостию Твоею утверди/ и возбуди мысли моя.

Слава Тебе, Бже наш, слава Тебе.

Божественным страхом пригвозди окаянныя моея плоти мудрование/ и памятью будущих мучений душу устраши.

Слава Тебе, Бже наш, слава Тебе.

Дерзновение Божественно подаждь ми, водруженную грехом во мне худость истребив, и Твоею просвети мя благодатию.

Богородице Всепетая, смиренную Божественным дарованием обогати душу мою, высоту смиривши величания.

Слава: Священное жилище Твоего Сына, Богородице, покажи душу мою, безчисленныя ея скверны отгнавши.

И ныне: Кре́пще погиба́ема нестро́ением душе́вным, Всепе́тая, / моли́твами Твои́ми
утверди́ мя в Божество́нном стра́се и любви́.

Песнь 5

Ирмос: *Решительное очищение грехов, / огнедохновенную примите Духа росу, / о чада
светообразная церковная! / Ныне от Сиона бо изыде Закон, / языкоогнеобразная Духа
благодать.*

Слава Тебе́, Бо́же наш, сла́ва Тебе́.

Напра́ви живо́т мой, Прису́щественная Трои́це, / к Твои́м спаси́тельным за́поведем / и
све́том Твои́м ду́шу мою́ просвети́, молю́тися.

Слава Тебе́, Бо́же наш, сла́ва Тебе́.

Обдержима́ су́ща плени́цами лю́тых прегреше́ний, / реши́ти мя от сих благоволи́,
Преблагий, / и целому́дрия любви́ю Божество́нною воспе́ри мя.

Слава Тебе́, Бо́же наш, сла́ва Тебе́.

Освети́ Твоею́ Божество́нною благода́тию, Паракли́те, / страстьми́ омраче́нную ду́шу мою́ /
и глубо́кую неразу́мия тьму́ от не́я иждени́.

Слава Тебе́, Бо́же наш, сла́ва Тебе́.

Зело́ безбо́язненно по вся дни прогне́вляю Тя / де́лы же и словесы́ скве́рными, Преблагий, /
но молю́ Тя: / нече́стия сего́ изба́ви мя.

Слава: Еди́на ро́ждшая вся́кия премудро́сти Исто́чника, / преступле́нием Божество́нных
за́поведей / обьюро́девшую ду́шу мою́ отню́д вразуми́, Всепе́тая.

И ныне: Истреби́, Чи́стая, от души́ моея́ / стужа́ющия ми безпреста́нно злы́я помы́слы / и
Богоуго́дными обогати́ мя поуче́нии.

Песнь 6

Ирмос: *Очищение нам, Христэ, / и спасение, Владыко, возсиял еси от Девы, / да, яко
пророка от зверя морскаго персей Иону, / от тли исхитиши / всего Адама всеродна
па́дшаго.*

Слава Тебе́, Бо́же наш, сла́ва Тебе́.

Страстьми́ го́рькими плотски́ми огорче́н быв ока́янною душе́ю моею́ / и в тех, а́ки в
последних бе́зднах, ви́ну, Спа́се мой, потопляе́мь, Тебе́ молю́ся: / струя́ми
Живода́тельнаго, и́же у Тебе́, Исто́чника, оживи́ мя.

Слава Тебе́, Бо́же наш, сла́ва Тебе́.

Вели́каго вои́стину молча́ния досто́йна су́ть вся Тво́я та́инства: / трилицтвуеши бо во
Еди́ном Суще́стве / и соединя́ема, пребыва́еши несме́сна. / Но, Безнача́льная Трои́це, /
Твои́х рук брéнное создáние спаси́ мя.

Слава Тебѣ, Боже наш, слава Тебѣ.

Весь цел Сын, веруем, есть во Отцѣ существенне и Дух:/ от Него бо, аки от Единого Начала, соприносущне Оба сияют/ и пребывают о Себѣ в Живоначальных Испостасех Своих.

Слава Тебѣ, Боже наш, слава Тебѣ.

Юности гнусными стрекании/ на мя вооружився скверный всяким образом,/ теми душу мою и живот весь осквернил есть,/ но, Параклите Преплагий,/ плодами покаяния исцели мя.

Слава Тебѣ, Боже наш, слава Тебѣ.

В напасти лютыя по уму падох,/ и недоумением содержимь есмь всюду,/ и в беды различныя впадаю,/ и якоже ладия в морском волнении, обуреваемь есмь,/ но, Преплагий Утешителю,/ лютаго сего обуревания, молю Тя, скоро исхити мя.

Слава: Падением лютым падох,/ преступив к Твоему Сыну обеты моя,/ но, яко источника щедрот и благоутробия сущую пучину,/ Всенепорочная, молю Тя:/ милостива сотвори ми Его.

И ныне: Губительные на мя наветы/ невидимых врагов моих, Дево, изгоняй всегда от души моей/ непобедимую и Божественною силою Твоею/ и даждь ми на них всеоружие духовное и разум.

Таже глаголи стихи сия:

Спаси от бед раба Твоего, Утешителю Благий,/ яко зело и безпрестанно нападают на мя нечисти бесове/ помыслы и мечтания скверными.

Призри Благоутробием, Всепетая Богородице,/ на жестокое сердца моего окаменение/ и просвети тьму души моей.

Кондак, глас 2

Всех Животе, Свете и Утешение,/ Надеждо и Наслаждение, Всесвятый Душе,/ Бога Тя знающих, Отцу и Сыну Сопрестольна,/ даров Твоих сподоби/ и грехов отпущение даруй им.

Песнь 7

Ирмос: *Согласная возшумѣ органская песнь/ почитати златосотворенный бездушный истукан;/ Утешительева же светоносная благодать почествует,/ еже вопити:/ Троице Единая, Равносильная, Безначальная, благословена еси.*

Слава Тебѣ, Боже наш, слава Тебѣ.

Всякия злобы и худости нравов свободив мя, Спасе,/ даровании всесвятими Божественнаго Параклита обогати мя, поюща:/ отцев Боже, благословен еси.

Слава Тебѣ, Боже наш, слава Тебѣ.

Всякаго желѣза и камене жесточайшее сердце мое умягчи, Спасе,/ да истинным милѣнием возопию, спасаемь:/ отцев Бже, благословен еси.

Слава Тебѣ, Бже наш, слава Тебѣ.

Со Отцем Безначальным Сына и Духа Соприсносущна,/ во Едином Существо, и Трех Лицах, богословствующе, поем:/ отцев Бже, благословен еси.

Слава Тебѣ, Бже наш, слава Тебѣ.

Лукавым обычаем греховным рабски побеждаемь,/ Тебѣ, всех Владыце, припадая, молюся:/ скверныя сея работы избави мя.

Слава Тебѣ, Бже наш, слава Тебѣ.

Крепкою силою Твоею/ грехом изнемогшую душу мою утвердiti благоволи,/ да воззову, спасаемь:/ отцев Бже, благословен еси.

Слава: Разумом Божественным и теплым покаянием, Богоблагодатная,/ ум мой и душу, люте грехом помраченную,/ просветити изволи, да пою Ти со Архангелом:/ радуйся, Владычице.

И ныне: Плоти моея беззаконная и пристрастная движения, Богородительнице,/ умертвивши конечно,/ благодать Параклитову в души моей насади,/ да святолепне Тя, Пресвятую, прославляю всегда.

Песнь 8

Ирмос: Разрешает узы и орошает пламень/ трисветлый Богочаля образ, поют отроцы,/ благословит же единого Спаса и Вседетеля,/ яко Благодетеля,/ сотворенная всяческая тварь.

Слава Тебѣ, Бже наш, слава Тебѣ.

Губительнаго разжжения беззаконных помыслов разреши мя, Иисусе мой,/ да чистым сердцем славлю Тя.

Слава Тебѣ, Бже наш, слава Тебѣ.

Со Безплотными слугами Твоими/ Высочайшую и Вседетельную Троицу поем Тя/ и превозносим, перстни раби Твой.

Слава Тебѣ, Бже наш, слава Тебѣ.

Губительныя находы врагов моих невидимых изгоняя от души моея,/ благодать Твою вселити в ней, Параклите, изволи.

Слава Тебѣ, Бже наш, слава Тебѣ.

Прошения, ихже у Тебѣ прошу молитвою,/ совершати бодренно делом, и страхом,/ и любовью сподоби мя, Утешителю.

Слава Тебѣ, Божѣ наш, слава Тебѣ.

Паче блудницы и Исава беззаконав,/ к Твоим щедротам прибегаю:/ не отрини мене от
благодати Твоея, Параклите Пресвятой.

Благословим Отца и Сына, и Святого Духа, Господа.

Слава: Грехолюбив zelo паче всех человек сый, Всепетая,/ К Тебе прибегаю:/ спаси мя,
недостойного раба Твоего.

И ныне: Любомудрия истины Божественного учителя покажи мя, Всепетая,/ страхом и
любовию направляющи мя.

Песнь 9

Ирмос: Радуйся, Царице,/ матеродевственная Славо,/ всяка бо удобообращательная
благословливая уста/ витийствовати не могут,/ Тебе пети достойно,/ изумевает же ум
всяк Твое рождество разумети,/ Темже Тя согласно славим.

Слава Тебѣ, Божѣ наш, слава Тебѣ.

Спасе мой, просвещение и Защитнице,/ от Твоея Божественныя радости не отрини мене/
Пречистыя Твоея Матере молитвами святыми.

Слава Тебѣ, Божѣ наш, слава Тебѣ.

С Горними Силами и аз, со страхом ниц пад,/ поклоняются, перстный, и любовию вопию
Ти:/ Троице Всеветая, слава Тебе.

Слава Тебѣ, Божѣ наш, слава Тебѣ.

Спаси мя, поющаго, поклоняющагося и славословящаго/ державу неприступныя славы
Твоея.

Слава Тебѣ, Божѣ наш, слава Тебѣ.

Благости нравов, и наказанию закона,/ и разуму Божественных догмат научи мя,/ да
богоугодно пою Тя, Божественный Параклите.

Слава Тебѣ, Божѣ наш, слава Тебѣ.

Всех праведных и благоугодивших Ти/ сподобитися изволи радостнаго праздника,/ да
вкупе с ними пою Тя, Пресвятой Утешителю.

Слава Тебѣ, Божѣ наш, слава Тебѣ.

Души моея страхование, и различныя злобы,/ и всю ея истребив худость,/ добродетелей
венцем украси ю, Святой Параклите.

Слава: О Всенепорочная Дево,/ растлившуюся всяческими блужении окаянную душу
мою/ Твоими святыми молитвами исцели.

И ныне: О Божественная Ходатаице Богу и человеку,/ худую сию молитву мою/
Божественному Параклиту принеси, молю Тя, Всесвятая Богородице.

Таже глаголи стихи сия:

Спаси от бед раба Твоего, Утешителю Благий,/ яко зело и безпрестанно нападают на мя
нечисти бэсове/ помыслы и мечтания скверными.

Призри Благоутробием, Всепетая Богородице,/ на жестокое сердца моего окаменение/ и
просвети тьму души моея.

И тропари сия:

Достойно есть воистину величати Тя, Бога Слова,/ Егоже трепещут и ужасаются
Херувими/ и славословят Силы Небесныя,/ от Девы непреложно воплощагося/ Христа,
Жизнодавца и Господа.

Достойно есть воистину превозносити Тя славословии, Всеблагого,/ и Всепресвятого, и
Хранителя жизни нашея,/ со Отцем и Сыном богочаально царствующаго видимыми и
невидимыми,/ от Отца единого исходящаго Божия Духа,/ велика же и страшна, со страхом
славити.

Слава: Поём Тя все боголепно пении Божественными,/ Отца и Сына и Духа
Божественнаго,/ Трисоставную Державу,/ Единое Царство и Господство.

И ныне: Владычице, Мати Избавителя,/ прими молитвы Твоих непотребных раб,/ имже
воздаждь избавление грехов/ и богоугодныя жизни приятное исправление.

Молитва ко Пресвятому Духу

Прими, Владыко, Преблагий Параклите, Един Сый Святыя и Покланяемая
Единосущныя же и Неразделимыя Троицы, худое сие моление, емуже благоволил еси
приносиму бывати Тебе от человека грешнаго и осужденнаго, и прости ми согрешения
моя, вольныя и невольная, от тайных моих очисти мя и от чуждых пощадь раба Твоего.
Благоволи о мне, грешнем и непотребнем, и немощи души моея посети благодатию Твоею
и исцели сокрушение ея.

Помилуй мя, Владыко, Параклите, Боже, помилуй мя, освяти мою душу и тело, просвети
ми ум и разум, очисти совесть душевную от всякия скверны, нечистых помыслов,
умышлений лукавых и разумений хульных и от всякаго превозношения, гордости же и
кичения, высокоумия же и дерзости, и сатанинскаго шатания, и от всякаго фарисейскаго
лицемерия и презорства, и от всякаго студнаго и лукаваго обычая моего избави мя до
конца, славы ради имене Твоего, и даруй ми искреннее покаяние, сокрушение сердца
моего и смиренномудрие, кротость же и тихость и всякое христианское благоговейство,
разум же и художество духовное, со всяким благоразумием, благодарением и терпением
совершенным.

Ей, Боже, славы ради имене Твоего услыши мя, грешнаго, молящагося Тебе, и сподоби мя
в прочее время окаянныя жизни моея каятися искренне моих беззаконий, со всяким
смиренномудрием, целомудрием же и воздержанием истинным, отступившу мне всякаго
сомнения, двоедушия и нечувствия, и соблюди мя, Владыко, во всяком благочестивом и
православном исповедании веры христианския, да сподоблюся во вся дни живота моего

без сомнѣния пѣти Тя, благословѣти, славословѣти и глаголати: Святы́й Бо́же, О́тче Безнача́льный; Святы́й Кре́пкий, Сы́не Егó Собезнача́льный; Святы́й Безсме́ртный, Ду́ше Святы́й, от Отца́ исходя́й и в Сы́не пребыва́яй и почива́яй; Трѳице Всесвята́я, сла́ва Тебе́. Сла́ва Тебе́, Свята́я Трѳице Единосу́щная, Животворя́щая и Нераздели́мая, всех ра́ди сла́ва Тебе́.

Сла́ва Тебе́, Ма́ти Бо́жия, ве́рных прибе́жище, и избавле́ние в лю́тых содержи́мым, и ду́шѣ мое́й Боже́ственное утеше́ние; всеока́нную ду́шу мою́, о Богоблагодáтная, уязвленную стреля́нии рáтника, Твоему́ всеси́льному предста́тельству поруча́ю, ю́же соблюда́й, покрыва́й и спаса́й от бесѳвских ко́зней невреди́му, да вопи́ю Ти: ра́дуйся, Невѳсто Невѳстная.

